

Аризачи ва жавобгар суд мажлиси вакили ва жойи тўғрисида лозим даражада хабардор қилинган бўлсада, суд мажлисида вакил иштирокини таъминламади. Ариза юзасидан ўз эътирозларини судга тақдим қилмади.

Ўзбекистон Республикаси Иқтисодий процессуал кодекси (бундан буён матнда “ИПК” деб юритилади) 220-моддасининг биринчи қисмига кўра суд ишда иштирок этувчи шахсларни суд мажлисининг вакили ва жойи тўғрисида ушбу кодексда белгиланган тартибда хабардор қилилади. Бунда суд аризачининг зиммасига жавобгарни суд мажлисида иштирок этиши ва жойи тўғрисида хабардор қилиш мажбуриятини юклашга ҳақли. Суд мажлисининг вакили ва жойи тўғрисида тегишли тарзда хабардор қилинган мазкур шахсларнинг келмаганлиги, агар суд уларнинг келишини мажбурий деб топмаган бўлса, ишни кўриб чиқиш учун тўсқинлик қилмайди.

Суд, ушбу қонун нормасига асосланиб, иқтисодий ишни аризачи ва жавобгар вакилининг иштирокисиз кўриб чиқишни лозим топди.

Суд, иш ҳужжатлари ва аризачи томонидан судга тақдим қилган маълумотномани ўрганиб чиқиб, қуйидагиларга кўра, аризани қаноатлантиришни лозим топади.

Солиқ кодекси 82-моддасининг биринчи қисмига кўра солиқ ҳисоботи солиқ тўловчи ҳисобга олинган жойдаги солиқ органига белгиланган шаклда қоғоз ёки электрон шаклда ушбу Кодексга мувофиқ солиқ ҳисоботига илова қилиниши лозим бўлган ҳужжатлар билан бирга тақдим этилади.

Солиқ кодекси 273-моддасининг биринчи қисмига кўра солиқ тўловчилар, агар ушбу бобда бошқача қоида назарда тутилмаган бўлса, солиқ ҳисоботини ўзлари солиқ ҳисобида турган жойдаги солиқ органларига ўтган солиқ даврдан кейинги ойнинг йигирманчи кунидан кечиктирилмаган муддатда тақдим этишлари шарт.

Жавобгар 2023 йил учун юридик шахслар ер солиғи бўйича солиқ ҳисоботини солиқ инспекциясига белгиланган муддатда тақдим этмаган.

Солиқ кодекси 111-моддасининг биринчи қисмига кўра солиқ тўловчининг (солиқ агентининг) банкдаги ҳисобварақлари бўйича операцияларни тўхтатиб туриш тўғрисидаги қарор солиқ органининг раҳбари (раҳбар ўринбосари) томонидан ўн кундан кўп бўлмаган муддатга қабул қилиниши мумкин. Солиқ тўловчининг (солиқ агентининг) банкдаги ҳисобварақлари бўйича операцияларни ўн кундан кўп муддатга тўхтатиб туриш тўғрисидаги қарор солиқ органининг илтимосномасига асосан суд томонидан қабул қилиниши мумкин. Бунда солиқ тўловчининг (солиқ агентининг) банк ҳисобварақлари бўйича операциялари суд томонидан қарор қабул қилингунга қадар тўхтатиб турилади.

ИПК 222-моддасининг учинчи қисмига кўра ҳуқуқий таъсир чорасини қўллаш тўғрисида билдирилган талаб қаноатлантирилган тақдирда, суд ҳал қилув қарорининг хулоса қисмида банклардаги ҳисобварақлар бўйича операциялар қандай шартлар бажарилгунга қадар тўхтатиб қўйилганлиги кўрсатилиши керак.

Суд, ариза талабини асосли деб ҳисоблайди, жавобгар томонидан 2023 йил учун юридик шахслар ер солиғи бўйича солиқ ҳисоботини давлат солиқ инспекциясига топширилмаганлиги иш ҳужжатлари билан тасдиқланганлиги асосида, аризани қаноатлантиришни, жавобгар томонидан солиқ ҳисоботлари тўлиқ



тақдим этилгунга қадар банк ҳисобварақлари бўйича операцияларни ўн кундан кўп муддатга тўхтатиб туришни, ушбу ҳал қилув қарори ижросини назорат қилишни аризачи ва қасди қўлатишни лозим топди.

ИПК 116-моддасининг биринчи қисмига кўра суд чиқимлари суд хабарномалари ва суд ҳужжатларини юбориш билан боғлиқ почта харажатларидан, суд тайинлаш ва экспертизани ўтказиш, гувоҳни чақириш, далилларни жойида кўздан кечириш, суд мажлисини видеоконференцалоқа режимида ўтказиш билан боғлиқ харажатлардан, шунингдек ишни кўриш билан боғлиқ бошқа харажатлардан иборат.

Ўзбекистон Республикаси “Давлат божи тўғрисида” 2020 йил 6 январдаги ЎРҚ-600-сонли Қонуни биринчи қисмининг 19-бандига кўра аризачи ва жавобгар ҳуқуқий таъсир чораларини қўллаш тўғрисидаги ишлар бўйича давлат божини тўлашдан озод қилинган.

Суд, суд харажатларини ундириш қисмини муҳокама қилиб, аризачи ва жавобгар давлат божи тўлашдан озод қилинганлиги сабабли ундирмасликни, иқтисодий иш электрон шакллантирилганлиги учун почта харажатини ундирмасликни лозим топди.

Юқоридаги ҳолатларни инобатга олиб ҳамда Ўзбекистон Республикаси Солиқ кодексининг 82, 111, 273-моддалари ва Ўзбекистон Республикаси Иқтисодий процессуал кодексининг 116, 118, 220-222-моддаларини қўллаб суд,

қ а р о р қ и л а д и :

Ариза қаноатлантирилсин.

Жавобгар [REDACTED] масъулияти чекланган жамиятининг банкдаги ҳисобварақлари бўйича операция (бюджетга тўловлар, иш ҳақи, нафақалар, шунингдек ишлаб чиқаришдаги бахтсиз ходиса оқибатида соғлиқ ва ҳаётга етказилган зарарни қоплаш учун маблағлар бериш ҳоллари бундан мустасно)ларининг чиқиш қисми бўйича [REDACTED] га 2023 йил учун юридик шахслар ер солиғи бўйича солиқ ҳисоботини тақдим этиш орқали ҳуқуқбузарлик бартараф этилгунга қадар тўхтатиб турилсин.

Жавобгар [REDACTED] масъулияти чекланган жамиятининг хизмат кўрсатувчи банкдаги ҳисоб-рақамлари бўйича операцияларни тўхтатиб туришга сабаб бўлган ҳолатлар тўлиқ бартараф этилгандан сўнг, [REDACTED] томонидан тақдим этиладиган ёзма кўрсатмаси (қарори)га асосан ҳисобварақлари бўйича операциялар тиклансин.

Мазкур ҳал қилув қарори қабул қилинганидан кейин ўн кун ўтгач қонуний кучга кириши эътироф этилсин.

Мазкур ҳал қилув қароридан норози тараф ўн кун муддат ичида Пешку туманлараро иқтисодий суди орқали Бухоро вилоят судига апелляция шикоятни бериш мумкин.

Судья

С.Кушшаев

